



Saingonon Ekkesiwin non: July 1, 2020

An Unusen State Eureuren Suksefan – Kukkun Sitowa

Pochokunen Nemenem: Otutun Nampa. 20-27, ORS 433.441, ORS 433.443, ORS 431A.010

Pwonuetan: Ei eureur fan iten kukkun sitowa non unusen state.

Angangen Apochokuna: Ngeni an epwe tufich ei ourour mei menei an epwe nomw fan nurun pwan ekkoch sokkun onnuk, an epwe tufich wor pochokunan usun mei affat non ewe Otutun 20-27, teten 26.

Ekkewe sitowa mei namot repwe fori ekkei:

- Nengenisefani me anganga [Ekkewe Kapasen Ourour fan Iten Chon Angang](#).
- Eukuku ukukun chon repwe kamo me fori ewe angangen onuw (6) fit towawen nefinen chon kamo me chon angang. Ekkewe chon nemeni ekkewe sitowa repwe nengeni epwe ifan ukukun aramas repwe tongeni tonong non ewe sitowa ren an epwe mecheres ewe koukun onuw (6) fit towawen nefiner, an esapw kon fitikoko aramas me eukuku chon repwe tonong non.
- Pacheta [ekewe sainen](#) (mei nomw won healthoregon.org/coronavirus) iteiten ekkewe esisienen ewe semwen COVID-19, me tingor ngeni chon angang me chon kamo ar repwe nomwonong non imw ika pwe mei wor rer ekkewe esisienen ewe samwaau, me pwan ion repwe tongeni kokori ren an epwe anisir.
- Aea ekkewe sain an epwe opochokuna ewe angangen atowawa nefinen aramas.
- Nimeti iteitani ekkewe neni ian ekan kon chomong aramas ian me pwan ekkewe neni aramas mei soun attapeta won me non ewe sitowa. Nimeti ekkewe nenien an aramas tonong siwinir, ekkewe nenien komwochun asam, ekkewe nenien momot iteiten murin an chon kamo repwe wes me aea.
- Nengeni sefani me Fori metewe [Kapasen Ourour fan iten Pwonupwonun Aaw me Pwot me Pwonupwonun Maas non unusen ei State](#).

Ika epwe tufich, ekkewe sitowa repwe fori ekkei, nge esapw och mettoch mei menei repwe fori:

- Awora plastic ika kinas epwe tongeni eppetani nefinen ekkewe chon ameme me kastomer, me ian neni mei weires ar repwe tongeni fori ewe angangen onuw (6) fit towawen nefinen aramas ren chon angang me kastomer.

- Opochokuna epwe epwe chok ew nenien fetanin aramas an epwe esisin nenien tonong me tou, nge esapw eppet ekkewe nenien tou fansoun epwe wor weiweitan osukosuk epwe tori ewe neni. Awora sainen an epwe chok ew fetanin aramas ren an epwe anisi fetanin chon nomw non ewe neni.
- Awora sain ika tep epwe pwarata ian ukukun towawen nefinen chon kamo ian nupwen ra utiwitin repwe kamotiw ren ewe chon ameme.
- Ennuku ngeni kastomer ar resapw pacheta won inisir ekkewe pisek repwe aea ren (pwonupwonun aaw me pwot, skarf, achimaki, me minen won maas).
- Ekkiek won ika pwe repwe suki sefani ekkewe nenien an chon kamo asaisi inisir non pisek. Ika pwe ekkewe nenien asais repwe suk sefan, chon kamo repwe tonu pour ika nimeti pour iteiten me mwan me murin ar sotuni wor ekkewe pisek. Ekkewe sitowa repwe awora totonun paw ika nenien nimeti paw unukun ekkewe nenien asais. Mei namwot: Ese mwo pwan wor met mei pwarata meren sou sinenap pwe pisek ika uf ina pwan ew anen chounon fetanin ewe monun samwaau coronavirus. Efeiengawen ei angang ese mwo kon wor an epwe fis. Met pisek mei nomw non ewe nenien asais mei tongeni epwe mwo nomw utiwitino non ew ran me murin an emon a fen pin sotuni won inisin.
- Nupwen epwe wor angangen einiwini sefani met pisek chon kamo mei eniwinato ngeni ewe sitowa, chon angang repwe tonu pour me mwen me murin ar angengeni ewe pisek. Chon non ewe sitowa repwe mwo anomu ewe pisek ekis non ukukun ew ran me mwen repwe eniwini sefani ngeni ian ururun epwe nomw ian ren chok an epwe ekisano efeiengawen samwaau.
- Anomu non ekkiek ekkoch sokkun angangen an chon kamo repwe angei metewe re moni ren ika pwe chon ewe sitowa repwe atoura ngeni nenier kewe repwapw chok angei me ren imwer kewe.

Pwan Sopwosopwun Pworous Mei Auchea Mei Wor:

- [Sain kopwe tongeni pacheta](#)
- [Kapasen Ourour fan iten Pwonupwonun Aaw me Pwot me Pwonupwonun Maas non unusen ei State](#)
- [Kapasen Ourour an OHA ngeni meinisin](#)
- [Kapasen Ourour an OHA ngeni Ekkewe Nenien Angang](#)

Toureochun taropwe: Ren ekkewe aramas mi wor osupwangen an inisir tongeni ika ekkewe rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokkori Mavel Morales won nampa 1-844-882-7889, 711 TTY ika mak ngeni won OHA.ADAModifications@dhsosha.state.or.us.